



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Servii Amicus Fidelis Usque Ad Mortem

Bouchy, Philippe

Coloniæ Agrippinæ, 1660

§. VI. Quomodo Amicus fidelis, inducere ægros possit ad eliciendos actus,
divini amoris.

[urn:nbn:de:hbz:466:1-54799](https://nbn-resolving.org/urn:nbn:de:hbz:466:1-54799)

Augustinus, *si sine misericordia discutiatur eam.*

Locum alterum suggerit a Isaias: *Facti sumus, inquit, ut immundus omnes nos, & quasi pannus menstruata universa justitia nostra. I modo, & si absque animi, itomachive nausea potes, de egregia illa merce, gloriare.*

a Isa. 64.

§. VI.

Quomodo Amicus fidelis, inducere agros possit ad eliciendos actus, divini amoris.

A Gemodò mi Amice, nunc animis opus: nullo modo committendum, ut animus simul cum corpore infirmetur: immò agrotante corpore valere debet animus solito melius: a *Nam virtus in infirmitate perficitur, ait Paulus, & cum infirmor tunc potens sum. Bene igitur & tu feceris, si vires exeras, & quam poteris pluri-*

a 2. Cor 12.

plurimos fidei, spei & charitatis actus elicias, potissimum autem charitatis.

Dicamabo, si Dominus Deus à te modo, quod olim à D. Petro peteret, N. amas me? auferesne respondere sicut ille, *Domine tu scis quia amo te.* O ter felices, qui sibi tantum de se meritò habent polliceri! utinam vel hoc saltem ex vero dicere possim: Domine tu scis quia desidero te amare.

Quid est quamobrem tam parum amore Dei nostri inardescimus? in promptu causa est, quia quot quantisque nominibus amandus sit, ignoramus.

— *Ignoti nulla cupido.*

Dicere solebat Plato, virtutem si oculis corporeis cerneretur, mirabilem sui amorem animis intuentium excitaturam fuisse: quanto maiorem Deus ipse virtutem excitaret, si videretur! si pulchritudo illa, si bonitas, sapientia, maximè autem si chari-

a Ioan. 21.

charitas illa infinita, quâ nos ab æterno, persecutus est, si, inquam, e charitatis illius imago, alicujus e cælitibus, rudi saltem peniculo informata, oculis nostris objiceretur, Deus bone! quas faces, quos ignes, quæ amoris incendia excitaret! amoris hujus immensitatem momentis suis, quantum mortali fas, expendat discipulus ille quem diligebat Jesus, cum diceret: *a In hoc est charitas, id est, illa demum est charitas, non quasi nos dilexerimus Deum, sed quoniam ipse prior dilexit nos* et ne sterilem illam putarem, fructum subjicit: *Et misit filiū suū propitiationē pro peccatis nostris*; hinc illa dignissima sequitur illatio: *Nos ergo diligamus Deum, quoniam Deus prior dilexit nos.* Non potest amor, & talis præsertim amor, compensari, nisi amore. Amare si piguit, ah! pudeat non saltem redamare. Illationis hujus necessitatem, qua erat ingenii perspicacitate, pervidebat Augustinus, cum ita

se

a 1. Ioan. 4.

se ipse incusaret: serò te amavi,,
pulchritudo tam antiqua, & tam,,
nova, serò te amavi: væ tempori,,
quando te non amavi. ,,

Dicebat idem Doctor, vel cæcum
esse, vel certè cæcitate percutien-
dum, qui tantam divini amoris pul-
chritudinem non amaret. Ajunt è
Turcarum gente, nonnullos inter-
dum, tanto in Mahometem suum a-
moris æstu ferri, ut si contigerit eos
sepulchrum adspicere, quod summæ
fœlicitati adscribunt, non vereantur
oculos sibi eruere, ne quibus tanta
fœlicitas ominatò obtigit, ut rem
tam divinam (ut ipsi autumant) aspi-
cerent, cogantur postmodum res vi-
les & abjectas, quales sunt res hujus
mundi, intueri. Si hoc illi designant
in se, tam crudeliter impii; Tu sal-
tem in hoc tempore, mentis oculos
aperi, quibus tandem videas, quan-
ta tibi incumbat necessitudo divi-
nam illam bonitatem, sapientiam &
amorem redamandi. Id ubi præsti-
teris, rebus omnibus hujus mundi
oculos

oculos claudas licet, & id unum stus
deas cum Jobo, ut ad vivendum jam
mox servatorem tuum te compares.

Ut ad amandum Deum tuum ac-
cendaris, jam inde usque à primis
unguiculis vitæ tuæ exordia rete-
xenda sunt; & videbis vix ullum esse
temporis momentum, in quo certifi-
sima divini erga te amoris vestigia
consignata non sūt: ut enim de pe-
riculis aliis taceam, quibus ejus ope
perfunctus es, ubi esset jam anima
tua, si te, tali loco, tali occasione &
periculo emori contigisset? Est sane,
est unde cum Heremia lacryma-
bundus, imò verò gratulabundus
exclames: *a misericordia Domini quia
non sumus consumpti.* Forsitan & de te
scitabatur Zacharias admirabundus:
*b Numquid non iste torris est erutus de
igne?* inferni scilicet, in quo culpa-
rum æstu ambulatus, restabat nihil
nisi ut pœnarum etiã flammis cõ-
bureretur. Et non amabis? redama-
bis, inquam, illum, qui tibi in tali
neces-

a Thren. 3. b Zach. 3.

necessitatis articulo tam opportunè
 auxiliatus est? Quidni dicas cum,
 Bonaventura? Undique me cir-
 cumdat amor, & nescio quid sit,
 amor, quomodo non sum totius,
 cōversus in amorem tuum? Quid-
 ni etiam cum Psalmographo: *Tibi*
dixit cor meum: exquisivit te facies
mea, faciem tuam Domine requiram.
 Quidni iterum cum Augultino:
 Amo te Domine, & si parum est,
 istud, amem te validius. O ignis,
 qui semper ardes & nunquam ex-
 tingueris: ô amor qui semper ser-
 ves, & nunquam tepescis, accen-
 dat totus abs te, ut totus diligam
 te.

*Alia Orationes pro obtinenda
 Charitate.*

Domine Jesu, tu dixisti: Diliges
 Dominum Deum tuum, ex toto cor-
 de tuo, ex tota anima tua, & ex tota
 mente tua, & ex totis viribus tuis:
 auge ergo gratiam tuam, auge cha-
 rita-

H

rita-

sitatem in me, ut sicut tu vis diligere me, & ego cupio diligere te, sic ego te diligam: & quod in hac vita perfectè implere non possum, in æterna te concedente, implere valeam.

Domine Jesu Christe, qui perpetua charitate dilexisti me, quâ, cum non essem, creasti me, quâ, cum perditus essem, reparasti me: quâ, cum propria culpa toties periissem, ad gratiæ vitam resuscitasti me: quâ, te ipsum dedisti mihi: si me totum toties debeo pro me, quid debeo pro te, qui in infinitum melior es me: adde hoc beneficiis tuis Deus meus, ut sine modo, & purissimo amore diligam te, nunc & in sempiternum. Mellitissime Jesu, absorbeat mellisua vis amoris tui, animum meum ab omnibus quæ extra te sunt, ut omnibus jam planè rebus amore amoris tui moriar, qui amore amoris mei dignatus es mori.